



UNIVERSITÄTS-  
BIBLIOTHEK  
PADERBORN

# **Notitia Congregationum Et Tribunalium Curiae Romanæ**

**Plettenberg, Hunold**

**Hildesii, 1693**

Cap. VII. De Signatura gratiæ.

---

[urn:nbn:de:hbz:466:1-63032](https://nbn-resolving.org/urn:nbn:de:hbz:466:1-63032)

## CAPUT VII.

## De Signatura Gratia.

1. A Papa petuntur, quae sunt gratia & iustitia.
2. Ideo instituta est signatura gratiae & signatura iustitiae.
3. Pro signatura gratiae instituta est Congregatio. Quis illius caput sit, & quae membra.
4. Aliqui Officiales simul ac officium suum ad-eunt, spectant ad signaturam, Quod eorum officium?
5. Qui praeterea accedant ad Signaturam gratiae.
6. Quando, & ubi habeatur Congregatio.
7. Confessus in Congregatione.
8. Quo habitu in ea compareant Cardinales.
9. Et reliqui Praelati.
10. Referendarii proponunt causas.
11. Quas decernit Pontifex.
12. Auditis interdum Praelatis votantibus.
13. Aliquando Cardinales, & Praelati aliquando interponunt.
14. Quot & quales causae in singulis Convocantibus proponantur.
15. Quae referantur ad hanc Signaturam.
16. Semel rejecta hic iterato non proponuntur.
17. Praest Signaturae gratiae post Pontificum Cardinalis aliquis.

1, Præte

I.

**P**Ræter ea, quæ ad forum internum, & conscientiaæ spectant, pro quibus ex Sacra Pœnitentiaria remedium quaeritur, postulantur sæpissimè à Summis Pontificibus alia Rescripta, tam de his, quæ à mera illorum liberalitate promanant, ut sunt Beneficiorum, aliarumque gratiarum concessiones, quam de iis, quæ justitiam concernunt.

2. Quapropter instituta sunt auctoritate Pontificiâ duo Auditoria, quorum alterum Signatura Gratiaë dicitur, in qua gratiaë petuntur & conceduntur, alterum Signatura Justitiaë appellatur, in qua contentiosa, quæ ad justitiam administrandam spectant, expediuntur.

3. Pro signatura Gratiaë instituta est Congregatio à Sixto V. *Const. 74. Immensa*, cui ipse Pontifex Romanus præsidet, & membra illius sunt: Major Pœnitentiarius, Præfectus Signaturæ Justitiaë, Datarius, si fuerit Cardinalis, Cardinalis Vicarius, aliique Purpurati tot, quot Pontifex pro libitu suo determinaverit; pauciores tamen nunc esse non solent, quam duodecim. Præter hos sunt etiam duodecim Prælati, qui suffragium ferunt, & votantes dicuntur, suntque iidem, qui votum habent

in signatura justitiæ, de quibus capite sequenti plura dicentur.

4. Pænitentiarius, Præfecti Signaturæ gratiæ, Brevium & justitiæ, atque etiam Datarius simul ac præfecturas illas & officia adepti sunt, in ipsam quoque Signaturam adnumerati censentur. Munus illorum est, omnes Signaturam illam quavis de causa adeuntes, benigne audire, porrectos libellos supplices excipere, & cum hi oblatis sunt Pontifici, opportuno consilio eidem assistere, suamque sententiam sincere, etiam non rogati ex conscientia dicere.

5. Accedunt quoque ad hanc Signaturam Auditor Camerae, ejusque Vicarius in civilibus, Thesaurarius Generalis, unus Auditor Rotæ, Cardinalis Vicarii Substitutus in civilibus, Protonotarius participans, unus Clericus Camerae, unus Abbreviator Præsentatiæ majoris, & Regens Cancellariæ, non ut ferant suffragium, sed ut quisque tueatur jurisdictionem officii sui.

6. Habetur hæc Congregatio bis in mense, Feria tertia, tempore matutino in aula aliqua interiore Palatii Apostolici; ideoque indicitur die Dominico, ut die Lunæ intermedio informari possint Prælati votantes, atque etiam ipse Pontifex

tifex, qui proinde in aulâ consuetâ audientiaë audit Advocatos & Procuratores genuflexos cum omni libertate informantes, sicuti informari solent alii Judices.

7. Papa sedet in Cögregatione ad mensã, in qua collocata sunt omnia ad scribendũ & subscribendum requisita. Assident ei hinc inde Cardinales in hanc Congregationem adlecti in Scabellis capite cooperto, ut in Consistoriis solent, cum hac tamen differentia, quod in iis compareant in habitu magis solemnî. nimirum cum Cappa super Rochettum.

8. In hac vero Congregatione, prout in aliis quoque, quæ haberi solent coram Pontifice, assistunt cum consueto habitu, quo per urbem utuntur, nimirum Rochetto, Mantoletto, & Mozzetta, sine pallio tamen, quod in actibus solum privatis deferunt.

9. Post Cardinales stant detecto capite cum Rochetto, Mantoletto, & Bireto in manibus duodecim Prælati votantes tamquam Consilarii. Post Papam stant proximiores Auditor Cameraë, & Thesaurarius in habitu quoque Prælatorum, & capite discooperto, quemadmodum & reliqui Prælati præsentés supramemorati.

10. His

10. His in ordine ita consistentibus accedunt tres Prælati simplices Referendarii ad mensam, cui assidet Pontifex eidemque debitâ cum reverentiâ, & submissione proponunt brevibus sermone latino causas sibi commissas referendo facti seriem, Oratoris petitionem, & exceptiones Oppositoris sine propria tamen sententiâ, & suffragio.

11. Quibus expositis, vel denegato Pontifex, quod petitur, & rescribit non exquirendo votum aliorum: *Nihil*, vel concedit, & signat supplicatione cum clausulis, quas vult apponi, sicque proceditur ad propositionem alterius commissionis.

12. Si vero placuerit Pontifici audire suffragia Prælatorum votantium, primo loco suum profert Ponens, qui commissionem proposuit, deinde duodecim Votantes sermone latino & laconicè. Numeratis votis, in arbitrio Prælati est majori parti accedere, vel non, aut tunc statim rescribere, aut rescriptum dare per Auditorem Camerae, cum hæc vota sint merè consultiva.

13. Si qui ex præsentibus Cardinalibus forte sint, qui ex officio, vel nomine sui Tribunalis aliquid interponere velint

velint, surgunt & detecto capite petitâ prius veniâ Papam alloquuntur. Prælati majori cum reverentiâ, cum restulerit, idipsum faciunt.

14. In hoc vero Conventu triginta ordinariè proponuntur commissiones, per quémlibet Prælatum decem, quinque super causis contentiosis auditâ & contradicente parte alterâ, & quinque super negotiis gratiosis absque Contradictore.

15. Referuntur vero ad hanc Signaturam gratiæ postulata, quæ alteri possent præjudicium inferre, quæque concedi non solent sine partium vocatione. Revocantur huc etiam res graves, & quæ raro concedi solent; Item dubiæ & perplexæ, ut decerni à Referendiariis non possit, sintne vel non concedendæ, aliaque similia, quæ maturiorem deliberationem, & plurium vota requirunt.

16. Commissiones vero in Signaturâ Justitiæ rejecta proponi non possunt coram Pontifice in hac Signatura Gratiæ, nisi sciente ipso Pontifice, vel per Signaturam Justitiæ ad hanc remissæ sint. *Paulus IV. Const. 59. Cum nuper Paulus V. Const. 71. Universi §. 1.* Neque iteratò proponuntur ea, quæ in hac Signatura  
semel

semel rejecta, aut negata sunt, prout fit in Signatura justitiæ, nisi consentiente Pontifice, à cujus arbitrio cuncta dependent.

17. Præest huic Congregationi vel Signaturæ post Pontificem Cardinalis aliquis, qui omnes Supplicationes, & gratias in eâ concessas subsignare solet hoc modo: *Concessum in presentia Domini Nostri Papæ, & deinde subscribit Nomen suum.*

*Vestrius lib. c. 3. de Luca Rel. Roman. Cur. disc. 30.*

## C A P U T VIII.

### De Signatura Justitiæ.

1. Quæ referantur ad hanc Signaturam.
2. Quis sit illius Præfectus, & quæ hujus Auctoritas.
3. ubi & quando habeatur hoc Tribunal.
4. Qui ad illud spectent.
5. Prælatorum votantium suffragia sunt activa.
6. Litigatores informant Referendarios.
7. Ordo Sessionis in hoc Tribunali, & quomodo causæ in eo proponantur.
8. Contradictor citari solet ad dicendam causam.

9. Decisio